

SERMO GRATVLATORIVS

10

A D

POTENTISSIMUM, ET SACRATISSIMUM

PRINCIPEM ARCHIDUCEM

IOSEPHVM,



QVVM HEREDITARIVS

HVNGARIÆ REX

CORONARETVR

A. clclclxxxvii,

a.d. Novemb.



FLORENTIÆ, MDCLXXXVII.

Ex Typogr. sub Signo Stellæ. Super. Perm.



INVICTISSIMO ATQ; POTENTISSIMO CÆSARI  
**LEOPOLDO,**  
P. F. ROM. IMP. SEMPER AVGVSTO,  
TRIVMPHATORI GENTIVM BARBARARVM.



*Eruerat, Augustissime atq; Invictissime Imperator, eximia S. C. Majestatis Vestra Clemensia, qua mihi Vienna nuper agentii non Aug. modo Bibliotheca usum benignissime concessit, sed & e Gaza Casarea gemmas aliquot, argumento sculptura notabiles, cera exprimere; ex illa vero prater alia multa ultra mille ducentos versus ineditos D. Gregorij Nazianzeni ad editionem describere indulgentissime permisit. ut Augustiss. Majestati Vestra tota mentie obstrictissimus essem, atq; devinctissimus. Verum, admirabilis illa, qua me ad osculum Sacra dextera admissum Augustiss. Majestas Vestra prosequi dignata est, benivolentia significatio, devotum antea Augusta Domui reddidit devotissimum. Verba me hic, Invictissime Turcarum Triumphator, grati animi mei sensu explicare volentem deficiunt. Vt tamen hic pateres, instans effectus Augusti IOSEPHI, hereditarii Regis Hungaria designati, Coronationis sollemnitatis. Turpe namque mihi putavi, his omnium festis ac faustis vocibus ipsum athera percellentibus, solum tacere: praesertim, quum nullus exterorum peccus penitus hujusce publicae felicitatis gaudio pertentaretur. Dignare igitur, Indulgentissime Imperator, hunc sermonem meum eadem nunc iidem clementia accipere, qua me in has horas profecturum Augustiss. Majestas Vestra dimittere dignata est. Ita Deus Opt. Max. Augustiss. Majestatem vestram, atq; universam Domum Augustam optato visa longissima decursu atq; omni porporro felicitatis genere mactet, bectq;. Hoc toto animo roveo, Invictissime atq; Potentissime Imperator,*

*Augustissime Majestatis Vestra*

POTENTISSIMO AC SACRATISSIMO  
 PRINCIPI ARCHIDVCI  
**I O S E P H O,**  
 REGI HVNGARIÆ  
 HEREDITARIO DESIGNATO.



Insertum credo generis humani Deum,  
 quum Aug. Majestatem Vestram terris  
 dedit, Potentissime atque Sacratif-  
 sime Princeps, ut haberet AVGVSTA  
 DOMVS columnen, cuius magnitu-  
 do tuto inniteretur: ut haberet Orbis  
 Christianus Principem, qui una cum  
 PATRE Augustissimo fortunam sub-  
 ditarum gentium sustentaret, confirma-

retque. Imprimis autem, omnium precibus victum Hunga-  
 riæ ceterarum afflictissimæ indulgisse, uti munere ac dono suo  
 prima frueretur. Hanc faventis cæli benignitatem quis non  
 admiraretur? quis non ei gratuletur inopinam illam felicitatem?  
 Ergo & ego in hac communi omnium hominum læticia, Po-  
 tentiss. atque Sacratiss. Princeps, quum ad me quoque non  
 minimus illius sensus pervenisset, audaciusscule festis aliorum vo-  
 cibus meam immiscui: ea spe, fore, ut hominis exteri animi de-  
 votissimi testatio non omnino ingrata ad aures Aug. M. V. acci-  
 deret; tenuitasq; sermonis solocî filo deducti sollemni lætissimi  
 hujusce diei gaudio celebratq; donaretur. Faxit Deus Opt.  
 Max. ut hæc voluptas Augustæ Domui, Hungariæque, & im-  
 primis Aug. M. V. perpetua sit, nec ulla umquam dolore moe-  
 roreve contamineur. Ita de penitissimo pectore apprecor,

Potentissime ac Sacratissime Princeps,  
 Aug. Majestatis Vestræ

# SERMO GRATVLATORIVS

D I C T V S

POTENTISSIMO PRINCIPI,

ARCHIDVCI

# IOSEPHO.

QVVM REX HEREDITARIVS  
HVNGARIÆ CORONARETVR.



Elicitas orbis, Rex Potentissime ac Sacratissime, cum fortuna Domus Austriacæ & Augustissimi Cæsaris LEOPOLDI conspirasse videtur, communibusq; votis hunc a favente Numine rebus humanis diem impetrasse, qui continuatis una serie per quadriennium Paternis victorijs, & in stupendam omnibus populis altitudinem exsurgentibus, exemplare Divinæ Celsitatis fastigium imponderet. Quid enim victoriarum de Barbaro, quidquid de Christiani nominis hoste triumphorū dehinc in Hungaria reportabitur, felicibus HVNGARIÆ REGIS HEREDITARII auspiciis, & Obsequenti IOSEPHI Fortunæ feretur acceptum. Et gaudebit Augustissimus Pater incincta Regio diademate Filii tempora ætate etiam nunc tenera victricibus lauris redimiri, ac destinato divinitus Imperii Romani post se regimini cædibus ac strage hostium initiari. Eodem animo, quo gravi coronis Augustissimo capiti suo hanc Hungariæ detraxit, ut Tuo imponeret, ferta quoque eidem atque ornamenta inerrare lætabitur triumphalia; quorum ipsi quædam quodammodo est satietas. Nec lætabitur tantum Optimus Pater ac Imperator, sed ut est Pietate Maximus, inter assiduas, quas Assertori Augustæ suæ Majestatis Deo meritissimas agit grates, nova vota nuncupat, ut, quemadmodum invictus ipse bello atque armis recuperatam integram nunc universæ Hungariæ coronam, notq; HEREDITARIÆ SVCCSSIONIS titulo auctam exornatamq; Sacrato Tuo capiti imponit, ita & Tu, Rex Auspiciatissime, capta hostis barbari Sede Constantinopoli divulsam

hactenus ab universo cornore nobilissimam quondam Imperij partem, eidem rursus conjunctam. eodemque perpetuæ successionis jure firmatam posteris relinquant. Hic igitur ille dies est, quo nullus læticæ, nullus exultabilior, nullus Imperio Romano, nullus Gentii Austriacæ, nullus Regno Hungariæ magis salutaris illuxit. Hic ille dies est, qui concussa Imperij fundamenta stabilit, qui inclinantem, haud ita dudum Domus Augustæ Majestatem ac magnitudinem redintegrat, & in majus pristino decus restituit; qui pereuntem, imo jam ferme desperatam Regni Hungarici salutem ad vigorem vitamque revocat, in hostium perniciem occidionemque, restitutum robur, viresque exferturam. Hic ille dies est, qui protervis verbis insultantem, qui stolidis viribus intumescantem, qui impiis minis ipsum cælum laceillantem tyrannum tantum non pedibus suis subjicit, ut ab imbecilla ætate conculcetur, cui nec humana, nec Divina vel jura sui reverentiam, vel potentia sui metum incutere posse videbantur. Hujus diei fulgore velut fulmine percussi perduelles attoniti stupent, hancque prostrati incerti vitæ sunt, incerti salutis, ab unica dehinc Mutissimæ LEOPOLDI, Tuæque, Rex Optime, clementiæ spe pendentis. Hujus diei inexpectata sollemnitas callida & subdola inimicorum, malis artibus ad potentiam aspirantium, consilia disjicit, opprimit, evertit. Admiratur Orbis, rapiuntur extra se omnes populi, gentes, nationes, & eunte per singulos homines Divinæ providentiæ sensu, quam mente capere nequeunt, inenarrabilem hanc rerum humanarum directionem conversionemque prout submissa veneratione adorant. Habuerunt hujus sæculi proxima tempora miracula complura: & intra quadraginta annorum circulum vidit Anglia horribili parricidio amissum Regem, & ejectam in exilium Regiam sobolem, ac denuo restitutam. Vidit Dania obsessum in capite regni Fridericum Regem, civiumque fortitudine, & auxiliis eorum popularium vindicatum. Videre mei illi alienæ Majestatis fortunæque protectores Batavi irrumpentem in intima reipublicæ suæ penetralia victorem Galum, & exitialem ambitionis ac dissensionis domesticæ perniciem, velut pestiferam nubem tempestatemve, divina, rursus ope remotam. Vix oculis suis fidere, vix animo sibi ac mente imaginari bellæ Suecici potuit, una modonon ætate, quidquid longissimo bello, quidquid plurimo sanguine in Germania sibi & Scania partum erat, amissum rursus & ereptum, ac mox iterum redditum, aut recuperatum. Sed hæc miracula, Rex Fortunatissime, quæ recta sui æstimatione omnem ingenij altitudinem immensum, quantum superant; hæc miracula ad obsessæ liberatæque VIENNÆ pericula



pericula & lætitiā; ad repositam Turcis cladium frequentia desperationis vicem, ad expugnatarum urbium multitudinem, ad victoriarum sibi supervenientium numerum & magnitudinem, ad Hungariæ insperatissimam in unum ac pristinum corpus redactæ gloriæ, ad Augustissimi Imperatoris LEOPOLDI propugnatam cæcis usque auctamque Majestatem, & ad hanc denique uspicatissimam Tuam, IOSEPHÆ, coronationem comparata, licet ingenuissima ea fuerint, plurimis tamen partibus vincuntur. Illis namque singulis gentibus, aut regibus, his Orbi terrarum ac universo Christiano nomini consultum est. Nota sunt, ideoque nec enarranda, scelerata illa & abominanda consilia, quæ evocatus, excitusque secibus suis barbarus rupto præter fas induciarum fœdere, non in regna vel provincias, sed in ipsam Austriacæ potentie ancile, id est, in pignus Romani Imperii, immisus est. Male cesserant horrendi, & tam fausto die ne nominandi quidem privatorum scelerum irriti furores. Ivit ulterius immanis ambitio. & *suum* jam illud, quod expectarat, esse *tempus atque opportunum locum* iata, ipsam infirmitatem sollicitavit dirigit, ut a superis repulsum rejectaque rabie suâ expleret. Quæ facies non infelici Austriæ dicam, non Germaniæ, non Europæ, sed universi fuisse orbis, capta raptaque VIENNA? & quam parum absuit, ut caperetur? Quis vultus, quæ forma, quæ species Christianæ religionis victore fuisse barbaro, qui deleturum se omne de terris Christianum nomen terribilibus ac profanis minis increpabat? Et erat in effreni Turca minimum, quod metuebatur, mali. Prodisset alia, & per omnes orbis partes grassatura pestis, quæ Divino se contineri, coerceri; consilio infrendet furibunda, & quem non esse Deum credit, sentit. Longe illi sua dextra Deus: longe illi per Europam Asiamque orsa & sparsa tela fraudum: longe illi crebra perjuria, & irrita Germanicæ fidei simplicitas. Rem sibi jam factam putabat, & paratam, quam perageret, humano sanguine redundaturam tragœdiam: & ecce, prodit ex inopinato velut e machina in scenam Deus, & quas illa partes non dederat, suo sibi ipse jure sumit. Vertitur fabulæ facies, & tristibus læta succedunt: intentatusque & jam præfens victis insperatis gaudiis mutatur. Et unde ille repente averruncos ac sospitator Deus? Tua, Tua illi, sanctissime Imperator LEOPOLDE, evocare preces: Tua illa efficacissima & vere aurea carmina, e Davidicis, non e Machiavellicis, petita canticis, elicere non e Constantinopoli Turcam, sed ut Christianissimum Principem decuit, e cælo Deum, ultorem violatæ fidei, defensorem commissi tibi a se imperii, depulsorem fabricatarum in sacrosanctum caput Tuum insidiarum, & mox

dejecto Turca læsæ & præter omne' fas atre&atæ Germaniæ futurum vindicem. Hic ille Tuus Deus ( & quis posterorum habebit hic annalibus fidem, quum vix ipsi oculis credamus nostris? ) Tuus Te ille Deus, Cæsar Pientissime, exitio ab inimico destinatum, ab hoste ex inopinato oppressum, a subditis proditum, in ipsa, quod, ajunt acie periculi servavit, eripuit, vindicavit. Ille, quod nec ipse vel votis conceperas, vel spe præsumeras, ambustas incendiis belli aquilas, & lacerata hostili ferro signa, in ipsa Budensi defixit arce, &, quod læti instar a licujus somni videtur, Tauruno intentat. Ille, ut ipsis etiã hostibus plena esset atq;, confessa cæli pro Cæsare pugnâti fides, Tuis victus precibus, suppliciiis victus SS. Pont. M. INNOCENTII XI, victus Venetorũ, quo lætus vinceret, fœderatis Venetis non secus ac Majestati Tux, unum ac perpetuum concessit victoriarum cursum: Polonis autem in auxilii opportune lati præmium beata illa otia fecit, ut triumphos Tuos atq; Venetorum intueantur, & gaudeant. Habuerunt alii, Augustissime LEOPOLDE, habebuntq; Imperatorum, Regum, Principum filii accepta a parentibus vita fatoq; sumis Imperia, regna, principatus, exercitibus, classibus, divitijs firmata, atq; communita: sed habet a Te etiam nunc vivo atq; superflite ( & faxit Deus, ut quam diutissime ) IOSEPHVS filius, quod cunctis exercitibus, classibus, divitijs longissime antestlat, Divinum patrociniũ, & hujus pignora Tua, seu potius, quæ Tux tribuuntur Pietati, Divina miracula. Nam Tua quidem vita, Sanctissime Imperator, ad severam illam veri Numinis cultus legem efficta atque efformata, unus quasi quidam contextus est miraculorum, sicut hoc bellum triumphorum. Non capit hic tenuis & raptim deproperatus sermo illorum magnitudinem: erit illa mihi in liberalius otium, curamque exquisitiorem, seposita materia: sed habet & illa IOSEPHVS Tuus instrumenta potentiz, sicut hæc argumenta monumentaq; pietatis. Felicissine me Puer, [ ita enim novennis ætas Tua, ut jam compellere, poscit, ] quæ Te propitia humano generi sidera videre nascentem? aut quis erit felicitati Tux modus in tanta illius affluentia nato, atq; educato? Neq; enim Paterna suffecisse videtur: accedit & Materna: accedit & Avi Materni, non minus quam Paterna admirabilis. ELEONORA Augusta, Domus AVSTRIACÆ numerosa prole fundatrix, nisi omnibus præcelsiore thesauris virtutum cumulo dotata fuisset, fortunam suam pro dote attulisse videri possit, celsissimum in terris sortita conjugium, felix Marito LEOPOLDO, felix Patre PHILIPPO GVILIELMO, felix Principibus Fratribus ac Regia Sorore, felix liberorum pulcherrima sobole, sed Te præsertim.



IOSEPHE majore natu Filio felix, quem Regio nunc insigniri diademate non sine tellibus ingentis, & penitissima pectoris pertentantis gaudii lacrymis potest intueri. Avus ELECTOR omni undiq; beatitudinis genere circumfluens, senecta ætate exstincta agnatæ familiæ progenie, summi post Cæsarem in Imperio Rom. fastigij ac dignitatis heres, hinc duobus generis, altero Imperatore Invißissimo, altero Rege Potentissimo, inde Filio natu maximo IANO GVILIELMO in Ducatu Patrio vivo sibi successore, reliquis aut sacris infulis, aut victricibus armis effulgentibus; corpore adhuc non minus atque animo vivido vegetoq; hunc & ipse solemnitate hujus magnificentissimæ exoptatissimum diem inter luculentissima prosperæ fortunæ suæ argumenta connumerat. Et dubitabit adhuc HVNGARIA de sua, tanto undiq; novi Regis sui felicitatis splendore circumdata atq; circumfusa? dubitabit illa adhuc, nec sibi ipsiq; toto pectore, toto animo, tota mente exhilarata gratulabitur? imo vero nõ dubitat, Rex Potentissime, & totum lætissimis acclamationibus aëra percellit. Festæ voces sunt, quascunq; audis; hilari vultus, quoscunq; intueris: erecti arcus, nitratæ floribus, fronde, veste viæ, accensis ignibus & luminibus collucentes vici, decurrens in armis juvenis militaris, assidua explosorum tormentorum tonitrua, publici gaudij indicia sunt, quacumque ingrederis: affluentis undique gratulantium subditorum multitudinis concursu ferventes plateæ, gementes ædes, templorum deficientia spacia, communis lætitiæ signa sunt, quacumq; transis: fausta populi vota, felicia Procerum verba, pia Sacerdotum preces exultantis populi obsecrationes sunt ad Altaria, ad quæ coronaris. Unus omnium felicitatis publicæ sensus est, una omnium vox, una acclamatio; Hunc esse diem Hungaricæ tranquillitatis, concordæ, pacis natalem: hunc esse diem perniciosissimarum discordiarum, expulsores, pestiferarum atque effratissimarum conjurationum ac rebellionum extirpatorem, hostium omnium exterminatorem: hunc esse diem omnis infelicitatis, cladum, vastationum, caedum, malorum denique omnium optatam dudum, at nunc exhibitam, ac repræsentatam divinitus finem: hunc esse diem, quo velut de integro condita HVNGARIA exemplo cunctis esse gentibus possit, beatissima regna esse, quorum tuclæ atq; imperio certus sit, atque jam designatus successor. Hujus diei celebritas, Rex Clementissime, nulla una cum aliis ad Majestatis Tuæ venerationem, suscipiendaque pro salute Tuæ vota properanti veniam spero impetrabit, Augustas aures Tuas ab illis gratulantis populi Tui vociferationibus ad audiendam meam hominis ex teri privatiq; sententiam paulisper avocanti.

Præderit illa forsitan nonnihil populo Tuo : certe ab ea mente , atque a devotissimo Majestati Tuz & Augustissimis Parentibus animo proficiscetur . Plurima ego præcæ antiquitatis monumenta pervolvi : seculorum omnium historias cogovi , temporum nostrorum casus partim ipse vidi , partim ab aliis auditu , partim ve accepi . Nec fugiunt me , quæ de reumpublicarum formis , ac vario regimine , de Principum electione , successioneve , præstantissimi eruditissimique Philosophi disseruerunt , atque disputaverunt . Verum omnia accurate examinati , expudentiq; duo mihi a plerisque eorū aut non animadverta , aut dissimulata , aut non pro merito atque argumenti pondere videntur fuisse considerata . Etenim primum ita ferme ab omnibus hoc argumentum tractatum est , ac si in Platonis viveremus republica , nec in hac vita vitia virtutibus præpollerent , atque dominarentur . Talis quippe ab illis quæsitæ præpositæque respublica est , qualis a Stoicis Sapiens , à Rhetoribus Orator . Ideis perstricti Platonici non vident , querendum non esse , quod inveniri nequeat . Deinde nec illud viderunt , varias esse ac diversas variarum gentium naturas , ingenia indoles , mores , situs , commoda , & instituta : ideoque non perire satis , certe ab omni vitæ ulu atque ratione alienissime , easdem omnibus leges , eamque regiminis formam , quasi perfectissimam , præscripserunt . Illiterata , rustica , & simplex agricolarum natio soli cælique prius ingenium explorare solet : ac pro cuiusque agri indole , ac viribus , hunc pecori pascendo , illumylvæ alendæ , alium frugibus ferendis destinat . Iam vero nec hic sine delectu quocunque semine conferitur . Illa in unumquemque semina sparguntur , quibuscumque & natura soli , & anni tempora , & aëris ac cæli habitus amice conspiciant .

*Hic segetes , illic veniunt felicius uvæ :*

*Arborei satius alibi , atque in iussa virescunt*

*Gramina .*

Par animorum , par populorum , par regnorum & rerumpublicarum ratio est . *Servias* , inquebat ille , *Suetus regibus Oriens* : & Cappadocia datam sibi quondam a Populo Rom. libertatem (cujus nominis amore multæ gentes tantum non insanunt) libertatem , inquam , sibi concessam Cappadocia repudiavit , regumque imperium prætulit . Hinc prudentissimi Regum vel bello victas , vel matrimoniois acquisitas , vel hereditate relictas sibi gentes suis vivere moribus , suis uti legibus permiserunt . *Violenta nemo imperia continuis diu* : & vis naturæ rerum infertur , quum variu populi sub unum sieni moderamentum rediguntur . Sic Patria mea superiore seculofida , & obtemperantissi-

ma Carolo, Philippi frena excusit. Sic olim Germania Arminio Duce Romanas leges, & indictos juri ducendo conventus atrocitrium legionum cæde rejecit. Ergo quæ singulis populis potissimum conveniat, quæq; maxime conducat imperii forma dispicere, suprema, & republicas ordinantibus lex esse debet. Non enim trabea Imperatoria, gemmis & auro gravis, aptum quibuslibet humeris amiculum est: minorem impedit, imbecillio rem premit. Dubitaverunt in initio, quum de formanda rep. sua cogitarent Batavi mei, an Venetorum sapientissimam, & longo seculorum tractu, atq; diuturnitate probatam imperii formam sequerentur. Sed prudenter a nonnullis usu rerum judicioq; præstantibus viris discussa hæc dubitatio est, non Italum Batavi ingenium esse affertentibus, non idem cælum, non eundem firmum: & quæ alia id genus discrimina aliud reip. genus flagitabant. Post primi Caroli triste fatum mobilis Anglia reip. nomen, & formam, spreto regio imperio, affertabat. Pro præconcepta libertate abjectus & turpius Cromwellio servivit, quam ante Regibus atq; ita libertatis hujus imaginariæ affecta satietate, revocato ab exilio altero Carolo, regio se rursus regimini submisit. Fatendum est, nec quicquam puto adversabitur, nil libertate melius, nil optabilius. Sed & illud fatendum atq; concedendum est, libertatem etiam sub jussu rege dari. Addamus & illud, quod non minus verum, & usu tritum est, perire libertatem libertate: quum scilicet amissa pulcherrima specie degenerat, vertitq; in licentiam. Sed & gentes sunt, quæ nec totam libertatem ferre possint, nec totam servitutem. Sunt, quæ servituti natæ videantur, ac damnatæ. Inter imperii formas, si in universum considerentur, nec diversa respiciantur singularum gentium ingenia, proximum Divino est Regium, & reliquorum omnium perfectissimum: unde & a Deo dati Reges dicuntur. *Pater, Pastor, Caput* [quæ ab imperii similitudine regibus dantur cognomina] ille unicus optimus in familia regenda, hic in grege: tertium in corpore dari plus unico non potest. Sed hominum vitia, fortunæ casus, rerum ac temporum vicissitudines, aliud sæpe imperii genus suadent, sæpe & imperant. Videndam igitur, ubi de republica deliberatur, quid illi cum maxime, cui consulitur, populo ex usu fiet. Hæc consilii publici norma esse debet, hæc finis. Excerptus ego sum, Rex Potentissime, quum h's nuperis calamitatibus gens nostra involuta esset, & conspiratis factionum partibus hinc libertatis multo sanguine partæ, & *ut accepta ita relinquenda*; inde boni publici, debitæque Arausionensi Principi in avitos honores dignitatesq; successionis speciosa nomina jactarentur, adeo exiguum eorum fuisse

numerus, quos patriæ libertatis æcrior, quam suorum commodorum aut affectuum agitaret cura, ut confusus & indignabundus sæpe exclamarim: *Ergo Libertas*, [ ut Bruto quondam visa virtus ] *inane nomen es*. Ambitio, avaritia, partium studia, inanis gloriæ cupido, sub persona publici commodi, libertatis, legum, privilegiorum, immunitatum, consuetudinum, quæq; id genus plura sunt, pulchre latent. Hac detracta, monstrosa illorum vitiorum diritas detegitur, & apparet. Ergo sapientissimum hoc fuit, imo vere sacrum Augustissimi Patris Tui consilium, quum Te, IOSEPHE, hereditarium Regem Hungariæ imponendum esse censuit, & ut hoc titulo a Proceribus regni agnoscereris, atq; coronareris, prudentia sua, pietateq; pervicit. Perspecta erant acutissimi ingenii, exactissimiq; iudicii Principi gentis Hungariæ ingenia mobilia, calida, vehementia: noverat eam levi momento cum propriis vitiis, tum fraudibus ac dolis exterorum concitatam in suam ipsius perniciem inconsulta ruere temeritate: quæ dein tam secundis, quam adversis rebus verteret in furorem. Ut Pater Patriæ, ut bonus Pastor, ut optimus Rex, ac tanti corporis Caput, excitandas ingenitas eorum virtutes, erigendam animi magnitudinem, fortitudinem inflammandam esse: vitia vero, quum extirpari omnino nequeant, salubri arte enervanda, & ut tandem vel emorianeur, vel deficiant, subtrahenda iis alimenta iudicabat. Credo ego, quum in sacrarium mentis suæ secederet Pientissimus Imperator, eum, quem in rebus arduis consulere semper solet, adhibuisse advocatum Deum, & hoc auctore salutare illud Hungariæ consilium cepisse. Hactenus illa ita reges suos elegit, ut hæc ei eligendi libertas sæpe verterit in exitium. Benignissimus Cæsar ipse se amplissimo gravissimorum bellorum fructu spolians Filium, & cum volente Deo per Filium posteris, certos Hungariæ reges nunc dat in perpetuam, si sua bona norit, felicitatem, & salutem. Huc ades, amica HUNGARIA, huc ades. Audi, & agnosce Cæsarei consilii beneficium: aut, si necdum intelligis, age revolve mecum annales Tuos. Explicavitam S. Stephani, qui Te primus ab immani Scytharum feritate ad meliorem vitam, veriq; quod summum beneficium fuit, Numinis cognitionem ab idolorum gentilium cultu traduxit. Quem invenis successorem? Quid eligendi libera potestas Tibi attulit commodi? quem ille sibi destinarat successorem rejecisti, & alio suscepto felicissimum sub illo Rege statum Tuum evertisti. Civilia bella, cædes, strages, vastationes, incendia, libertatis illius Tux fuere fructus. Sic inter Petrum & Abam variatum regnum est. Sic & Andreas successit. Quid huic illa Tua libertas præstitit, quum filium Salomonem vivo se

coronari cuperet? quid, nisi fraterna bella, ipsius eadem, repeti-  
 tam filii fugam, & tandem in exilio mortem? Quis ille iterum sub  
 Stephano tertio fratrum furor? quanta contra ea intestina quies, &  
 felicitas temporum a Bela tertio continua liberorum fratrumve suc-  
 cessione adulque Carolum primum? quanta rursus cladium & mise-  
 riarum tela, quum tribus uno tempore libera illa Tua electione crea-  
 tis regibus lacerata, vastataq. Venceslaum tædio Tuæ inconstantie  
 dissensionumque civilium, relicto regno in Bojohæmiam reverti,  
 Othonem Bavarum captum spoliatumq; imperio in exilium pelli vi-  
 deres? Vix vires pristinas sub Carolo, filioq; ejus Ludovico recepe-  
 ras; repullulat iterum inquietis hujus libertatis pestilens propago di-  
 scordia, & ab Italia Rex petitur, ut in ipsa mox arce Budæ jugulare-  
 tur: ut Ludovici tam bene de Te meriti vidua obvoluto capite in flu-  
 men præcipitaretur: ut Regina filia vinculis, carcere, contumeliis  
 violaretur: ut procerum sanguine regnum maderet: ut hosti Turcæ  
 via in Tua viscera aperiretur, & futurarū cladiū jacerentur fundamēta.  
 Et haud diu post, ab excessu Alberti nova rursus dissidia, duoque  
 reges Lacisii; & horum alter posthumus, & in ipsis cunis fugitivus.  
 Poteras sub Matthia Cervinò gloriari, florentius Te ac validius in  
 Europa regnum nullum esse. Bojohæmia, Iusatia, Moravia, Sile-  
 sia, Austria, Stiria, Carinthia, Transylvania, Bosnia, Moldavia,  
 Valachia, Croatia, Dalmatia, imperata faciebant. Vbi jam ille pro-  
 vincia, HVNGARIA, a Matthia Tibi relicta? quis abstulit? quis  
 eripuit? Illa, illa Tua eligendi libertas Regis, quæ Tibi post paullo  
 Te ipsam eripuit, id est, Budam caput regni, & firmissima, quibus  
 Te tuebare, propugnacula. Tanti Tibi constitere diversa Tuorum  
 studia, quum infelicitè amisso rege Ludovico inter Joannem Sce-  
 pusum, Scepusique filium, & Regem Ferdinandum fluctares.  
 Fovit hic infelicitis regni reliquias: & a succedentibus posteris, qua  
 potuisti, parte servata es. Quid autem pro hac cura, quid pro hac  
 benignitate, quid pro salute Tua, & anima jam fugiente retenta, re-  
 tulisti gratiarum? Sed nec infelicitati Tuæ infanda paucorum de Tuis  
 scelera adscribenda sunt, & hæc ego hiantia scede vulnera silentii ma-  
 lo velo obtegere, atq; obligare, dum clementia ea perisane Optimi  
 Caesaris LEOPOLDI, & ipsarum vestigia cicatricum fortuna deleat  
 Orientis vivifico splendore Regis IO. EPHI. Iam tota Tua es, Tuusq;  
 Rex omnium illorum regnorū ac provinciarum, atq; etiam plurium,  
 quam amisisti, futurus heres es, futurus & Imperii. Et eo quidem  
 felicior Tu mihi videre, quam gentes ceteræ, quod quum illæ de futu-  
 rorum regum moribus sollicitæ sint, & incertæ, Tu certa possis esse de  
 Tuo.

Tuorum Clementia, Bonitate, Iustitia, Prudentia, Fortitudine, Temperantia; & quæ virtutum omnium summa est, in Deum Pietate. Ingenitæ illæ Gentis AVSTRIACÆ virtutes sunt, & si a usque RV-DOLPHI Habsburgici conditoris tempora recurras, & in omnium AVSTRIACORVM Principum mores inquiras, qui ab hisce virtutibus desciverit, aut unum invenies, aut neminem. At hoc invenies, eodem, quo Tu, fato jactatam; isdem, quibus Tu, discordiarum malis atque cladibus vexatam, afflictamque fuisse GERMANIAM, ubi ab AVGVSTA familia desciscens alios sibi Imperatores quæsit, libertatique eligendi nimium tribuens ipsa sibi malum peperit. Sic inter Adolphum illam Nassavium, & Albertum Rudolphi filium; sic inter Alberti filium Fridericum, & Ludovicum Bavarum distractam per plures annos omni miseriarum genere noxæ libertatis pœnas dedisse: Vbi vero ad AVSTRIACOS rediit, atque his Imperium reddidit, compositum magis Germaniæ statum deprehendes, nec ullis civilibus bellis turbatum; nisi si civile nominari placet, quum subditi ad officium revocantur. Vin' ulterius, & ad prima Rom. Imperii initia respicere, & ad illum Principem, qui sapientia prudentiaque regendi AVGVSTI non en primus meruit? gratulaberis & AVGVSTO LEOPOLDO, non Tibi tantum, Tuisque, quod arcana quadam earundem virtutum inspiratione idem consilium ceperit. Quum enim Octavius in libera rep. natus delatum sibi post bella civilia Imperium Senatui P. Q. R. reddere, pristinamque libertatem reducere sæpius cogitaret, agigaretque; advertit animum sapientissimus Imperator, rem fortassis facturum se multis gratam, sed omnibus perniciosam. Neque enim jam ferre amplius libertatem P. R. poterat: imo nec salvus esse, nisi unius præsidis nutu, quasi anima, & mente, regeretur. Ergo, ut ne deinde in idem, e quo vix sub ipso emerferat, civilium dissensionum barathrum revolveretur, quum mascula prole careret, successorem sibi nepotum adoptionibus quæsit, deinceps & privigni. Ita cautus ille, & prudens Princeps, quid in illa in eligendo incerta animorum varietate periculi, quid in certo ac hereditario successore concordie ac salutis esset, rectissime æstimavit. Probat hujusce salubritatem consilii ipse eventus rerum. Extincta enim in Nerone Julia familia, quid Imperium Romanum nisi præda fuit validioris? Horret animus, ac refugit ea tempora cuncta recensere, quibus divulsam, discerptamque, tandem petumavit. Invenies tamen & in his in utraque partem exempla, quibus instruare. Neque enim frustra historiæ scribuntur, legunturque: sed ut inde exempla; etantur ad imitationem; de præteritis facta conjectura, quia huius



tura in incerto sunt. Invenies igitur vivo adhuc Nerone lectum probatumque a Senatu Galbam: qui major privato visus, dum privatus fuit, & omnium consensu capax Imperii, nisi imperasset. Invenies contra Vespasianum Patrem, qui vitam privatam minus laudabilem Princeps in melius transtulit. Invenies successorem Titum filium, quo nemo melior; (quem delicias suas orbis terrarum appellavit;) & ipsum minus secunda ante Imperium fama. Invenies adscitum ab Optimo, & oculatissimo Imperatore Trajano Hadrianum, hominem tam vario ingenio, ut virtutes an vitia in eo præpolluerint, incertum sit. Et ex his, HUNGARIA, atque innumeris aliis discere poteris, nec illius, qui legitur, nec illius, qui hereditario jure succedit, ita cognitam esse posse, ac perspectam indolem, ut non mutetur honoribus: certissimam autem quietem ab Hereditario certoque successore: contra, ab electione indubias discordias contentionesque civiles, & hinc interneciva bella in resp. & Imperia derivari. Quid opus est per sacram, & antiquissimam Pop. Judaici sub Iudicibus, & Regibus ire historiam? quid Assyriorum, Medorum, Graecorum annales evolvere, ut hodierna Tua felicitas probetur! Age, intue te tantum, si vicinos Polenos refugis, hostem Tuum: & incultum illum, ferumque atque ab omni eruditionis elegantia alienissimum barbarum solo naturæ ductu, & humanæ rationis informatione multo Te fuisse sapientiores agnoscere cogē is. Nonne illi unica successoris Imperij cura? nonne in sævo illo, & sollemnī fratricidio mora interponitur, donec heres sit natus familiæ Othomannicæ propagator? Quod vero regnum nunc tempore diuturnius; quod hæcæntis provinciarum numero amplius; quod incrementis, fiduis auctius: quod civilibus bellis minus contaminatum, atque collabefactum? Evertit illa familia tot regna, tot Imperia: quibus artibus, nisi successoris certitudine, & obedientia subditorum? Vtvero & Tu, HUNGARIA, his artibus; & invalesces, vigebis, florebis. Habes eccam fortunæ melioris prædem, fortunam novi Regis Tui IOSEPHI; nec fortunam modo tanti Principis, sed & pulcherrimam indolem. Elucet in tanta ætatis tenebrositudine admirabilis Pietas a Pientissimo Patre ingenua, & e Sanctissimæ Matris uberibus hausta; elucet singularis clementia, atque benignitas, & quædam quasi blandiens dulcedo morum, quæ omnes ad se allicit, sibi que conciliat. Elucet in hac tanta morum suavitate digna Imperio majestas; scintillat igneus ex oculis ingenij vigor; exferit in omni se actione eximia animi magnitudo; apparet in cognoscendis, combibendis que scientiis eximium acumen, & in perceptis retinendis præclara actenacissima memoria: agnoscitur in omni sermone

præstantis iudicii pondus : & ad hæc animi bona accedit & illud ornâ-  
mentum corporis , venustas dignitasque forinæ Imperatoriæ . Læta-  
re igitur , HVNGARIA : lætare , & exsulta , sacrum hoc cæli nacta  
depositum . Age Deo ter Opt. Max. age LEOPOLDO Imperato-  
ri gratias gratissimas : præsentisque , & futuræ felicitatis utrique de-  
bitrix, dic & Augustissimo Patri FELICITER , & Augusto Filio, quem  
non solus Pater , sed ipse quoque futurorum providus Deus REGEM  
Tibi HEREDITARIVM dedit , atque commendavit .



BIBLIOTECA NAZ.  
ROMA  
VITERBO EXIST.